

Verum in VII. Capitulo, hæresis Monothelitica propinatur de Christo scilicet operante Deo decibilia & humana, una *Deivirili operatione*: in hæc verba . ., Siquis unum Dominum nostrum Jesum Christum in duabus considerari dicens naturis, non eundem Unum de Trinitate confiteatur, sempiternæ quidem ex Patre genitum Deum Verbum, novissimis autem sæculi temporibus eundem incarnatum atque genitum ex sanctissima & intemerata Domina nostra, Dei Genitrice, semperque V'rgine, Maria, sed alterum hunc noscit, & alterum, & non unum eundemque secundum sapientissimum Cyrillum, in Deitate perfectum, & in humanitate eundem perfectum, ex hocque solo in duabus contemplandum naturis, eundem passum, & non passum, secundum aliud, & aliud, sicut idem Sanctus Cyrillus ait: & passum quidem humanitus carne, secundum quod homo est; permanentem vero impassibilem, ut Deum, in passionibus propriæ carnis: eundemque unum Christum, & Filium, *ἐνεργῶντα τὰ θεοπετῆ καὶ ἀνθρώπινα μὴ θεοειρηκῆ ἐνεργεία, κατὰ τὸν ἐν ἀγίαις Διονύσιον*, operantem Deo decibilia, & humana, una *deivirili operatione*, secundum Sanctum Dionysium: sola contemplatione discernens ea, ex quibus Unitio facta est, & hæc intellectu considerans inconvertibilia & inconfusa post eorum naturalem & secundum subsistentiam unitiorem manentia: in hisque indivisa atque inseparabiliter unum eundemque Christum & Filium recognoscens, juxta quod duo ad invicem inconfuse convenientia considerat intellectu, *πραγματικῶν ὡτῶν τὴν θεορίαν ποιεῖμεν*, *realem* (1) eorum contemplationem faciens, & non phantasia mendaci, atque inanibus mentis figmentis, *δυσῶν* (2) *δὲ ἑδαμῶς, ὡς ἀρηρημένους ἢ ἰθὺ τῆς εἰς δύο διατομῆς διὰ τὴν ἀφραστον καὶ ἀπεριόριστον ἕνωσιν*, nullatenus vero disjungens, quasi perempta jam illa, quæ in duo est, sectione, propter ineffabilem & inexcogitabilem unitiorem, dicens secundum Sanctum Athanasium: simul
 ,, enim

(1) Al. *causativam*. Rectius *realem*(2) *Δυσῶσι*. non recte.